

述異記
搜神記續

續齊諧記

還魂記

神異記
十洲記

洞冥記
枕中記

精校
大字
漢魏叢書九十六種

上海大通書局發行
武進唐駟署

述史記

果記
神記
長記

領事記
通記
十記

同記
果記
記

述史記

果記

述異記卷上

梁任昉著

安義王軼羣校

昔盤古氏之死也頭為四岳目為日月脂膏為江海毛髮為草木秦漢間俗說盤古氏頭為東岳左臂為南岳右臂為北岳足為四岳先儒說盤古泣為江河氣為風聲為雷目腫為電古說盤古氏喜為晴怒為陰吳楚間說盤古氏夫妻陰陽之始也今南澤有盤古氏亘三百餘里俗云後人追慕盤古氏古之魂也桂林有盤古氏廟今人祀祀

南海中盤古國今人皆以盤古為姓昉按盤古氏天地萬物之祖也然則生物始於盤古

南海小虞山中有鬼母能產天地鬼一產十鬼朝產之暮食之今蒼梧有鬼姑神是也虎頭龍足蟒目蛟眉蟒地目蛟眉連生今吳越間防風廟土木作其形龍首牛耳連眉一目

昔禹會塗山執玉帛者萬國防風氏後至禹誅之其長三丈其骨頭專車今南中有姓防風氏即其後也皆長大越俗祭防風神奏防風古樂截竹長之三尺吹之如嗶三人披髮而舞

軒轅之初立也有蚩尤氏兄弟七十二人銅頭鐵額食鐵石軒轅誅之於涿鹿之野蚩尤能作雲霧涿鹿今在冀州有蚩尤神俗云人身牛蹄四目六手今冀州人掘地得髑髏如銅鐵者即蚩尤之骨也今有蚩尤齒長二寸堅不可碎秦漢間說蚩尤氏耳髮如劍戟頭有角與軒轅鬪以角觝人人不能向今冀州有樂名蚩尤戲其名兩兩三三頭戴牛角而相觝漢造角觝戲蓋其遺製也

太原村落間祭蚩尤神不用牛頭今冀州有蚩尤川即涿鹿之野漢武時太原有蚩尤神畫見龜足蛇首首瘞其俗遂為立祠

堯使鯀治洪水不勝其任遂誅鯀於羽山化為黃熊黿來入於羽泉今會稽祭禹廟不用熊曰黃熊即黃熊也陸居

曰熊水居曰能防按今江淮中有紋名熊能蛇之精至冬化為雉至夏復為蛇今吳中不食雉毒故也
揚州有蛇市市人鬻珠玉而雜貨蛟布蛟人即泉先也又名泉客

南海出蛟綃紗泉先織織一名龍紗其價百餘金以為服入水不濡

南海有龍綃宮泉先織綃之處綃有白之如霜者

鬱林郡有珊瑚市海先市珊瑚樹碧色生海底一株十枝枝間無葉大者高五六尺至小者尺餘蛟人云海上有珊

瑚宮漢元封二年鬱林郡獻瑞珊瑚

光武時南海獻珊瑚婦人帝命植於殿前謂之女珊瑚一旦柯葉甚茂至靈帝時樹死咸以謂漢室將亡之徵也

凡珠有龍珠龍所吐者蛇珠蛇所吐者南海俗謠云蛇珠千枚不及玫瑰言蛇珠賤也玫瑰亦是珠也越人謠云種千畝

木奴不如一龍珠

越俗以珠為上寶生女謂之珠娘生男謂之珠兒吳越間俗說明珠一斛貴如玉者含浦有珠市

昔炎帝女溺死東海中化為精衛其名自呼每銜西山木石填東海隔海然而生子生雌狀如精衛生雄如海燕今

東海精衛壻水處曾溺於此川誓不飲其水一名鳥市一名冤禽又名志鳥俗呼帝女雀

東海島龍川穆天子養八駿處也島中有草名龍芻馬食之一日千里古語云一株龍芻化為龍駒

陶唐之世越常國獻千歲神龜方三尺餘背上有文科斗書記開闢以來帝命錄之謂之龜歷伏滔迷帝功德銘曰

胡書龜歷之文

復築宮中有女子化為龍不可近俄而復為婦人其羶而食人梁命為蛟妻告梁吉凶

梁時泰山山走石泣先儒說梁之將亡泰山三日泣今泰山山石望之若人泣蓋是也周武謂周公曰梁為不道走

山泣石

堯為仁君一日十瑞宮中易化為木鳳凰止於庭神龍見於宮治歷草生堦宮禽五色鳥化為神木生蓮蓬蒲生園
景星耀於天甘露降于地是為十瑞

東海畔有孤竹焉斬而復生中有管周武王時孤竹之國獻瑞甸一株
空桑生大野山中為琴瑟之最者空桑也

周成王元年貝多國人獻舞雀周公命反之南海中有軒轅正鸞自歌鳳自舞古云天帝樂也崆峒山中有堯碑禹

碣皆檣文焉伏滔述帝功德銘曰堯碣禹碑歷古不昧

會稽山有虞舜巡狩台台下有望陵祠帝舜南巡薨於九疑民思之立祠曰望陵祠

帝舜都郭門古宮存焉宮前有堯舜館銘記古文莫有識者

湘水去岸三十里許有相思宮聖帝臺昔舜南巡而薨於倉梧之野堯之二女娥皇女英追之不及相與慟哭淚下

沾竹竹上文為之班然然

昔戰國時魏國苦秦之難有以民從征戍秦久不返妻思而卒既塋塚上生木枝葉皆向夫所在而傾因謂之相思

木今秦趙間有相思草狀如石竹而節節相續一名斷腸草又名愁婦草亦名霜草人呼客沙蓋相思之流也

江南有懶婦魚俗云晉楊氏家婦為姑所溺而死化為魚焉其脂膏可燃燈燭以之照鳴琴博奕則爛然有光及照

終續則不復明焉

水虺五百年化為蛟蛟千年化為龍龍五百年為角龍千年為應龍

沮洳二水波文皆若五色彼人多文章故一名續水灌肥之間離別亭古送別處漢沔會流處岸上有石銘云下至

水府三十一里皆傳至李斯刻此石

鹿千年化為蒼又五百年化為白又五百年化為玄漢成帝時山中人得鹿乎烹而視之骨皆黑色仙者說乎鹿為

脯食之壽一千歲

餘千縣有白鹿土人皆傳千年矣晉成帝遣捕得銅牌在角後書云漢元鼎二年臨所獻白鹿

淮水中黃雀至秋化為蛤春復化為黃雀五百年化為唇蛤梓樹之精化為青年生百年而紅五百年而黃又五百

年而色蒼又五百年而色白

龜千年生毛龜壽五十年謂之神龜萬年曰靈龜

海魚千歲為劍魚一名琵琶形如琵琶而善鳴因以名焉

漢中山有虎生角道家云虎千年則牙蛻而角生

漢宣城郡守封邵巨化為虎食郡民呼之曰封使君因去不復來故時語云無作封使君生來治民死食民夫人無

德而壽則為虎虎不食人人化虎則食人蓋取其類而惡之

鏡之為獸狀如虎豹而小始生還食其母故曰梟鏡濟陽山麻姑登仙處俗說山上千年金鷄鳴王犬吠闔閭夫人

墓中周迴八百里別館洞房迤邐相屬漆燈照爛如日月焉尤異者金蠶玉燕各千餘雙

吳王夫差築姑蘇之臺三年乃成周旋詰屈橫亘五里崇飾土木殫耗人力宮妓數千人上別立春宵宮為長夜之

飲造千石酒鍾夫差作天池池中造青龍舟舟中盛陳妓樂日與西施為水嬉吳王於宮中作海靈館館挂閣鑄溝

玉檻宮之極檻珠玉飾之

吳既滅越樓勾踐于會稽之上地方千里勾踐得范蠡之謀乃示民以耕桑延四方之士作臺於外而館賢士會稽

山有越王臺今交州麻林一名紆林勾踐種麻將以宏弓交州糠頭山勾踐貯米於其上春積糠為山今會稽之上有越王鑄劍洲往往有得古箭鏃蓋古制也

廣州東界有大夫文種之墓墓下有石為華表柱石鶴一隻種即越王勾踐之謀臣也

洞庭湖上有釣洲其范蠡乘扁舟至此遇風止釣於洲上刻石記焉有一陂陂中有范蠡魚昔范蠡釣得大魚烹食陂邊有范蠡石牀石硯洞庭湖中有釣鉤鏤范蠡宅在湖中多桑約英果有海姓大如拳者年楸之小者放於陂中邯鄲有故宮基存焉中有趙王之果園梅李至冬而花春得而食

鄴中銅駝鄉魏武帝陵下銅駝石大各二古詩云石大不可吹銅駝徒爾為

一說香水在并州其水香潔浴之去病吳故宮亦有香水溪俗云西施浴處人呼為脂粉塘吳王宮人濯粧於此溪上源至今馨香古詩云安得香水泉濯即衣上塵俗說魏武帝陵中亦有泉謂之香水

饒州俗傳軒轅氏鑄鏡於湖邊今有軒轅磨鏡石石上常潔不生蔓草

桂林東南邊海有裸川桓譚新論云呈衣冠於裸川海上有裸人鄉

丹陽大姑陵陰下有石麟二枚不知年代傳曰秦漢間公卿墓則以石麒麟鎮之虞氏縣有盧君古塚塚旁柏二株枝條陰茂二有餘步樹文隱起皆如龜甲根勁如銅石

盧府君墓在館陶縣南二十里不知何代銘曰盧府君歸真之室

盧陵郡有董氏之宅前有董家祠昔有董氏語其鄉人曰吾嘗靈室作神及死家人老幼皆斗鄉人往往見之稱吾於地下作盧陵侯鄉人因為立祠能致風雨

安定西隴道其谷中有彈箏之聲行人過聞之謂之彈箏谷

粉水出房陵永清谷取其水以漬粉即鮮潔有異於常謂之粉水

漢水西山有九井井中常五色煙高數丈傳云昔人有縫下入得數斗也青

西海外有鵲國人長七寸日行千里百獸不犯惟長海鵲鵲見必吞之在鵲腹中不死鵲一舉亦千里

吐綬鳥其身大如鸛五色出巴東山色毛可愛若天晴淑景即吐綬長一尺須臾還吞之陰滯即不吐陽泉在天餘

山北清流數十步所涵草木皆係化為石精明堅勁其水所經之處物皆積為石却鹿麋海獸也然其角辟塵致之於座塵埃不入

羊山上有燃石其色黃而文理疎以水沃之便如煎沸其上可炊烹稍冷即復以水沃之

獬廌獸中最大者龍頭馬尾虎爪長四百尺善走以人為食遇有道君即隱藏無道君即出食人辟寒香丹丹國所出漢武時入貢每至大寒於室焚之暖氣翕然自外而入人皆減衣

迷穀出招歷搖山亦名雀山其樹如穀又如楮其花四照名曰迷穀如佩之令人不迷

南康樛都縣西汾江有石室名夢口穴嘗有船人遇一人通身黃衣擔兩龍黃爪求寄載過至岸下此人唾盤上徑下崖直入石穴中船主初甚忿之見其人入石穴始知異視盤上唾悉是金矣

噲參養母至孝曾有子鶴為戎人所射第而歸參收養療治瘡愈放之後鶴夜到門外參秉燭視鶴雌雄雙至各銜明月珠以置參家

炎洲在南海中上有風生獸似豹青色大如狸網取之積薪數車燒之不燃鐵錘鍛頭數十下乃死以口向風須臾便活以石上菖蒲塞鼻即真死取其腦和菊花服之可壽五百歲

南方有灾火山四月生火十二月火滅火滅之後草木皆生枝條至火生草木葉落如中國寒時也取此木以為薪燃之不燼以其皮績之為火浣布

蘭陵山有井異鳥巢其中全翅而身黑此鳥見即大水井不可窺窺者盈歲輒死

玉門西南有一國國中有山石磻枰枰于枝名為霹靂磻從春雷而磻減至秋磻盡雷收復生年年如此宣城蓋山有舒姑泉俗傳有舒氏女與父析新女坐泉處忽臺挽不動父遽告家及再至其地惟見清泉湛然其母曰女好音樂乃作宏歌泉乃涌流

搗衣山一名靈山在琅琊郡山南絕險巖有方石昔有神女於此搗衣其石明瑩謂之玉女搗練砧

斗鄉西津有玉女岡天當雨輒先涌五色氣於石間俗謂玉女披衣

嶺且嚴反

嶺州去玉門三千里地寒多雪著木石之上皆冰而其可以為巢

八方之荒有石鼓其徑千里撞之其音即成雷也天之申威於此

秦始皇作石橋於海上欲過海觀日出處有神人駢石去不速神人鞭之皆流血今石橋其色猶赤

負嶠山名還立東有雲石廣五百里有盤長七寸黑色有鱗角以霜雪覆之然後作鱗長一尺其色五米織為文錦

入水不濡

園客者濟陰人貌美色人多欲妻之客終不娶常種五色香積十餘年服食其實忽有五色蛾集香草上客薦之以

布生華蠶焉時有一女自來自言為助養蠶以香草食之得繭二百二十枚繭大如蠶每一繭繅六七日絲方盡繅

訖此女與客俱神仙去

并州姑女泉婦人不得罷粧緣服至其地必興雲雨一云是介推妹

齊桓公北征孤竹見人長尺具衣冠左袂而走於馬前管仲曰此山之神也名曰俞兒霸王去之君興則見矣

和州歷陽淪為湖昔有書生遇一老姥待厚之生謂姥曰此縣門石龜眼血出此地當陷為湖姥後數往視之門吏

問姥姥具登之更以珠點龜眼姥見之遂走上北山顧城遂陷焉今湖中有明府魚奴魚婢魚

信安郡石室山晉時王質伐木至見童子數人碁而歌質因聽之童子以一物與質如棗核質含之不覺饑俄童子

謂曰何不去質視柯盡爛既而歸去已無復時人

螺亭在南康郡昔有正女採螺為業嘗宿此亭夜聞空中風雨聲乃見眾螺張口而至便亂吸其肉明日惟有骨存焉故號此亭為螺亭

北方有七尺之棗南方有三尺之梨凡人不得見或見而食之即為地仙

荀環字叔偉潛棲即粗當東遊憩江夏鶴樓上望西南有物飄然降自霄漢俄頃已至乃駕鶴之賓也鶴止戶側仙者就席羽衣紅裳賓主歡對已而辭去跨鶴騰空而滅

晉安郡有一書生謝端為性介潔不染聲色嘗於海岸觀濤得一大螺大如一石米斛剖之中有美女曰予天漢中白水素女天帝矜卿純正令為君作婦端以為妖呵責遣之女嘆息升雲而去

東陽郡永康縣吳時有人入山逢大龜擔之未至家遇夜繞舟於岸見老桑呼龜曰元緒汝當死矣龜呼桑樹曰子明無苦也雖然盡南山之樵不能潰我對曰諸葛恪明敏禍必及於子明日其人將龜獻吳王命煮之三日三夜不死遂問諸葛恪恪曰此龜有精須得多載老桑為薪煮之立爛遂命老桑斫之為薪既燃即爛

漢武帝幸甘泉長平阪道中有蟲赤如肝頭目口齒悉具人莫知也時東方朔曰此古秦獄地也積憂所致上使搭圖果秦獄地朔曰夫積憂者得酒而解乃取蠶置酒中立消

洞度山有宮五門東通林屋西達蛾眉南接羅浮北連岱岳東有石樓樓下兩石扣之清越所謂神鉦昔有青童秉燭懸飛輪之車至此其跡存焉上有天帝壇山有金牛穴吳孫權時令人掘金金化為牛走上山其跡存焉故號為金牛穴

范文本目南奴也為奴時牧羊於湖中得兩鯉魚欲私食之即知詰文詐云將礪石還非魚也即至魚所果見兩石文異之石有鐵文因入山中就治作兩刀因舉刀向鄣鄣即著中山地名也咒曰鯉魚變化治成刀斫石鄣破者是

有神靈文當治此國遂所破之眾遂推為君
宋武帝微時伐荻於新洲見一大蛇長數丈遂射之傷明日復往觀之聞杵臼聲覩見數青衣童子搗藥問其故答曰我王為劉寄奴所射今今樂傳之帝曰何神也童子不答帝叱之皆散收得藥人因名此草為劉寄奴

西域有鼠國大者如犬中者如兔小有如常鼠頭赤白齒黃有經過其國者若不祭祀則齒人衣裳

周成王時東夷送六角牛

磽磳山去扶桑五萬里日所不及其地甚寒有桃樹千圍萬年一實一說日本國有金桃其實重一斤

吳王闔閭葬於吳縣三月有白虎居其上號曰虎丘晉太康中會稽縣螳螂及羊皆化為鼠螳始變者有毛而無肉

大食新稻

周穆王時天下連雨三月穆王乃吹笛其雨遂止

漢武帝時西方日支國有獻活人草三莖有人死者將草覆面即活之矣

封微山中有怒毛獸若不噴毛短三寸若噴毛長三尺

南金山有師子獸其毛黃赤而光鮮耳小口鳴時地動石裂也

崑崙山下有玉桃光明洞徹而堅瑩須以玉井泉洗之便軟可食

北方荒外有石湖方十里中有橫公魚夜即化為人刺之不入煮之不死若以烏梅二十箇煮之即熟可治邪病

東海郡尉于台有杏一株花雜五色六出號六仙人杏

晉時晉陵薛願家有虹飲其釜中水須臾而竭願因以酒祝而益之虹復飲盡吐金滿釜而去願家遂至大富

顧渚山有報春鳥春至則鳴秋分亦鳴似題鴉之類也

龍肝瓜長一尺花紅葉素生於水谷所謂水谷素葉之瓜

越俗說會稽山夏禹廟中有梅梁忽一春而生枝葉漢成帝時與趙飛燕游太液池以沙棠木為舟其木出崑崙山

人食其實入水不溺詩曰安得沙棠木列以為舟船

巴東有真香老其花白色如薔薇煎服令人不服能誦無忘

伺潮鷄潮水上則鳴孫綽望海賦曰石鷄清響而應潮是也

聚富山有返魂樹伐其根心於玉釜中煮取汁又熬之令可丸名曰驚精香或名震靈丸或名反生香或名卻死香死尸在地聞氣即活

岑華山在西海之西有蔓竹為簫管吹之若羣鳳之鳴

魏興錫義山多生微蘅草有風不偃無風獨搖

黃金山有楠樹一年東邊榮西邊枯後年西邊榮東邊枯年年如此張華云交讓樹也

石勒嘗偏於臨水為遊軍所囚會有羣鹿傍道軍人競逐之勒乃獲免俄而又見一老父謂勒曰何來羣鹿者我也君應為列國主故相救耳

大食王國在西海中有一方石石上多樹幹赤葉青枝上總生小兒長六七寸見人皆笑動其手足頭著樹枝使摘一枝小兒便死

獬豸者一角之羊也性知人有罪皋陶治獄其罪疑者令羊觸之

取鳥之未生毛者以丹和牛肉使吞至長羽毛皆赤殺之陰乾杵服壽五百歲

鄧通以權船為黃頭郎曰土勝水其色黃故刺船郎皆著黃帽

漢元和元年大雨有一青龍墮於宮中帝命烹之賜羣臣龍羹各一杯故李尤七命曰味兼龍羹七命即文章名也案消山有石樓樹吳太皇元年郡吏伍曜於海際得之枝莖紫色有光南越謂之石連理也

南海有明珠即鯨魚目瞳鯨死而目皆無精可以鑒謂之夜光

千年木精為青牛

猿五百歲化為猩猩千歲化為老人

鵲壽三千歲

鶴之千年生胡髯

虎魚老者為蛟

□□□化為蝗而食五穀百歲為鼠

□□□羊而無角咬之毒

古□□十一名胡髯即又名青鳥

周穆王之大目走千里食虎豹

閩閩構水精宮元極珍怪皆出之水府

瀨鄉老子祠有紫石榴紅縹李一李二色

勾漏縣有白橘青柑縹杏

南中生子母竹今之慈竹也

漢章帝元年上虞縣獻二蒂瓜一實二蒂及玉色橘趙王故城俗呼為麋鹿城

梁孝王築平臺臺今存有兼葭洲見藻洲梳洗潭中有望秦山商人望鄉之處

貝宮夫人廟在太一山下云懷元年夫人也廟即其墓也

當陽南有龍川鳳川云漢武帝時八龍五鳳常見於此亦呼為五鳳州

魏文帝時后陵在鄴中臨漳東北至今有后神

殷紂時太龜生毛而鬼生角是甲兵將興之兆

述異記卷下

周幽王時牛化為虎羊化為狼洛南有避狼城云幽王時羣羊為狼食人故築城避之今洛中有狼村是其處也
闕中有金魚神云周平二年十旬不雨遣祭天神我而生涌泉金魚躍出而雨降

楚莊王時宮人一旦而化為野蠖飛去

秦始皇帝至東海海神捧珠獻於帝前今海畔有秦皇受珠臺

東海上有瀟臺秦始皇至此臺下繫蒲擊焉蒲至今紫紆

始皇二十六年童謠云阿房阿房亡始皇

古說雍州雨魚長八尺寸許

先儒說禹夏時天雨金三日古詩云安得大雨金使金賤如土是也

周成王時咸陽雨金今咸陽有雨金原

王莽時未央宮中雨五銖錢既而至地悉為龜

漢時翁仲儒家人貧作力作居渭川一旦天雨金十斛於其家

漢惠帝二年宮中雨黃金黑錫

呂后三年天雨粟

漢宣帝時江淮饑饉人相食雨穀三秦魏地亡穀二千頃

漢武帝時廣陽縣雨麥

河間有雨錢城漢世天雨鉛錫於此

周時成陽雨錢終日而絕

秦二世元年宮中雨金既而頃刻皆化為石

漢成帝末年宮中雨一蒼鹿穀而食之其味甚美

大禹時天雨稻古詩云天雨稻飽我天下民

漢世潁川民家雨金銖錢

魏武帝末年鄴中雨五色石

吳桓王時金陵雨五穀於貧民家富者則不雨矣

魏時河間王子元家雨中有小兒八九枚墮於庭前長六七寸許自言家在河東南為風所飄而至於君庭與之言

甚有所知如史傳所述

魏世河內冬雨棗

耆舊說周秦間河南酸棗遂生野棗今酸棗縣是也

魏文帝安陽殿前天降朱李八枚咬一枚數日不食今李種有安陽李大而有甘者即其種也

漢末楊氏家園中產神棗三株

武陵源在吳中山無他木盡生桃李俗呼為桃李源源上有石洞洞中有乳水世傳秦末喪亂吳中人於此避難食

桃李實者皆得仙

杜陵有金李李大者謂之夏李尤小者呼為鼠李桃之大者為木桃詩云投我以木桃是也

房陵定山有朱仲李園三十六所潘岳閒居賦云防陵朱仲之李李尤果賦云三十六園朱李是也中山有縹李大

如拳者呼仙李李尤果賦云如拳之李陸士衡果賦曰仲山之縹李又云仙李縹而神李紅

豫樟之為木豫樟即木名也生七年而後與眾木有異

漢武帝實鼎二年立豫樟宮於昆明池中作豫樟水殿

袁紹在冀州時滿市黃金而無斗粟餓者相食人為之語曰虎豹之口不如饑人劉備在荊州時粟與金同價

永嘉之亂洛中饑荒懷帝遣人觀市珠王金銀闌委市中而無粟麥袁宏表云田畝由是垣墟都市化為珠玉是也

漢末大饑江淮間童謡云太岳如市人死如林持金易粟貴於黃金

洛中童謡曰雖有千黃金無如我斗粟斗粟自可飽千金何所直

晉書說桓靈之世汝穎間桑麻為蒿桃李不實花而復落洛而復花而官倉有朽粟

晉永嘉中梁州雨七日麥化為飛蛾

晉末荊州久雨粟化為蟲蠱霍民春秋云穀之飛為蠱蠱是也中郎王義興表奏曰臣聞堯生神木而晉有蠱粟陛下自以聖德何如帝有慙色

宋高祖之初年嘗饑饉之後即位以來江表二千餘里野粟生焉

古說淮南諸山石生穀袁安云石穀藥名穗之尤小者

漢世古諺曰雖有神藥不如少年雖有珠玉不如金錢

太原神金岡中有神農嘗藥之鼎存焉

成陽山中有神農鞭藥處一名神農原藥草山山上紫陽觀世傳神農於此辨百藥中有千年龍腦

冀州鵠山傳龍千年則於山中蛻骨今有龍岡岡中出龍腦是也

今藥中有禹餘糧者世傳禹治水棄其所餘糧於江中生為藥也

仙藥紫鳳腦千年腦體是也

龜甲香即桂香之善者

紫述香一名紅蘭香一名金桂香亦名麝香草出蒼梧桂林上郡界今吳中有麝香草香似紅藍而其芳香

南海山出千步香佩之香聞於千步也今海隅有千步草是其種也葉似杜若而紅碧雜貢籍曰南郡貢千步香
日南有香市商人交易諸香處

漢雍仲子進南海香物拜為涪陽尉時謂之香尉日南有千畝林名香出其中

香洲在朱崖郡洲中出諸異香往往不知名千年松香聞於十里亦謂之十里香

杏園中在南海中洲中多杏海上人云仙人種杏處漢時嘗有人舟行遇風泊此洲五六日食杏故免死云洲中別
有冬杏

木蘭舟在潯陽江中多木蘭樹昔吳王闔閭植木蘭於此用構宮殿也七里洲中有魯班刻木蘭為舟舟至今在洲
中詩家云木蘭舟出於此

天姥山南峯昔魯班刻木為鶴一飛七百里後放於北山西峯上漢武帝使人往取遂飛上南峯往往天將雨則翼
翅搖動若將奮飛

魯班刻石為九州圖今在洛城石室山

東北巖海畔有大石龜俗云魯班所作夏則入海冬復止於山上陸機詩云石龜尚懷海我寧亡故鄉

上虞縣有石龜步水際謂之步

瓜步在吳中吳人賣瓜於江畔用以名焉

吳江中又有魚步龜步湘中有靈飛步時按吳楚間謂浦為步語之訛耳

公主山在華山中漢末王莽秉政南陽公主避亂奔入此峯學道後得升仙至今嶺上有一雙珠履傳自公主既
於山中得道駙馬王咸聞追之不及故留履以示之潘安仁有公主峯記

晉永嘉亂既已至江諸公主不得隨去安陽公主平城公主奔入兩河界悉為民家妻常怏怏不悅有故鄉之思村